



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Practica citandi aliquem iuxta formam ca. cum contumacia.

urn:nbn:de:hbz:466:1-13589

tisfactionem plenariè pro expensis, prompti exitimus, & parati: Rescribentes nobis quacunque fuerint vobis grata. Datum, &c.

C O M M E N T. XXXIII.

Reus qui petitur remittendus, qualiter sit remittendus.

Erant in vetusto illo Codice bibliothecæ Vaticanæ eiusmodi formulæ multæ, quibus omnis praxis in hoc negotio commodissimè absoluitur. verum hæc aperto iure vitantur; nam in authent. vt nulli iudicium. §. si vero quis. quomodo sit reus requirendus, & qualiter sit rescribendus, & totus denique ordo in hoc negotio obseruandus prescribitur in hæc verba: Si vero quis comprehensorum criminum latuerit, aut reliquerit prouinciã illã, in qua criminaliter deliquit; iubemus legitimis edictis a iudice euocari eum; & si non obediat, illa in eum procedere, quæ nostris legibus definita sunt. Si vero cognoscatur, quod in alia prouincia degit, iubemus prouinciã illius iudicem, in qua peccati quid huiusmodi contigerit, epistola publica vt ad prouinciã illius iudicem in qua delinquens persona degit, illum vero qui publicas suscepit litteras, & periculo suo, & officij sui comprehendere huiusmodi, & ad iudicem prouinciæ transmittere, in qua peccauit, supplicij legitimis subijciendum. Si vero qui publicam epistolã suscepit, neglexerit hoc facere, aut officij eius tradere, aut imperata neglexerit: tunc & ipsum iudicem tres auri libras, & officium eius alias tres pro pœna inferre iubemus. Si vero iudex, aut aliquis officij eius propter lucrum, huiusmodi personam non comprehendat, aut comprehendens non transmittat, & hoc agens conuincatur, spoliatus cingulo exilio tradatur. hæc tenet ibi. Quia ideo retulisse placuit, vt intelligatur quales sint iudicij in hoc casu partes, & pœna. adde Oldradum conf. 124. incipien. Quod remittit. & Cassanem super consuetudines ducat. Burgundia Rep. 12.

N^{um.} 134. Reus quorum expensis remittendi.

Nos enim offerimus nos promptos, & paratos ad satisfaciendũ plenariè pro expensis. Bal. in v^{is}ibus feud. tit. de pace tenenda. §. si index ita de hac re sentiebat; si quis priuatus pro suo interesse petat fieri remissionem, tunc impensis eius fieri debet. l. cum sepe. C. de erogat. mili. anno. lib. 12. quod si iudex ex officio hoc petat, tunc impensis publicis eius terra, ad quam sit remissio, fieri oportet. argumẽto l. mulier in opus. ff. de captiuis, & possli. reuersis. Gondissaluis tamen tract. de hæret. q. 11. num. 8. in crimine hæresis, remissionem esse faciendam putat impensis officij, si illius redditus sufficiant: & hanc sententiam videtur hoc loco amplecti Emericus. Ego ita putarem dicendum in hac causa, si crimẽ valde offendit rempub. per actum exteriorem, quia tunc magni refert puniri reũ in loco delicti, vt eius pœna ceteris traufeat in exemplum, iustissimum esset reductionem fieri impensis loci: quod si obtineri non possit, fiat impensis sacri officij, quas postea soluat reus, si bona habeat: æquum est enim hæc onera subire delinquentem.

Atq; hæc sententia placet Matthæo de Afflictis super feud. tit. de pace tenenda. §. si index, nu. 4. dicenti remittendum esse reũ de suis bonis, ac suis

A expensis arg. l. quemadmodum. §. magistratus. ff. ad l. Aquiliam. §. si nostrã. authent. vt cũ de appel. cognos. §. si vero contigerit. authent. de incestis nup. & eorum que notantur per gl. vltimam, & doctores in ca. ne religiosi. extra de regularib. quib. locis probatur eos de suis bonis esse alendos: Eadem ergo ratione quoties auctoritate legis vel superioris de vno loco ad alium transmittuntur, impensis proprijs (si bona habeant) remittendi sunt. & huic sententiæ omnino cõsentit instructio Madriliana anni Domini MDLXI. c. 9. incipien. El Alguazil.

P R A C T I C A C I T A N D I
iuxta formam cap. Cum
contumacia.

Si autem Inquisitor inuenire non poterit, ubi ille fugitiuus est, seu quod iur. licet aliquanto tẽpore fuerit expellatus; & diligẽtius perquisitus, citet eum personaliter in Ecclesia cathedrali illius diocesis, cuius est, & etiam in Ecclesia parochiali illius ville, vel ciuitatis, in qua commorabitur, ac etiam in domo propria, vel ubi communiter degebat, quatenus iuxta c. Cum contumacia. de heret. lib. 6. infra certũ terminũ corã Inquisitore personaliter compareat. de fide & articulis. si dei repositus; alias nunc pro tunc excommunicet eum, nisi infra assignatum eidẽ terminum personaliter comparuerit, vt mandatur: & hoc per suas litteras tenoris sequentis.

Forma citandi aliquem fugitiuum, quatenus infra certum terminum compareat coram Inquisitore, de fide catholica responsurus: & excommunicandi eum nisi compareat infra terminum assignatum.

Nos Frater N. ordinis Fratrum Prædicatorũ in terris tali domino subiectis Inquisitor hæretica prauitate à Sæcta Sede Apostolica specialiter delegatus.

ATTENDENTES quod fuga delatorum de hæretica prauitate, ac detentorum in carceribus pro eadem, suspiciõne de labe præfata adicit ampliozem, vt tales fugitiui suspecti de fide habeantur, & merito fortius quàm ante. Et cũ talis, de tali loco, talis diocesis fuerit nobis delatus de hæretica prauitate: Exprimantur hæreses, & errores: processimus ad testes examinandũ, & ad nos de huiusmodi informandũ; tan de iustitia requirẽte, ipsum in carcere ad custodiã iustissimè detineri, vt merito videremus an ambularet in tenebris vel in luce, & an ea peruersa, quæ de eo nobis suggesta fuerũt, veritatis certitudine fulcitur: sed ipse maligno spiritu dånabiliter agnatus ac in reprobum sensum datus, insano cõsilio acquiescens, & medicinam sibi imponi metues salutarem, carcerẽ fregit, pariter & aufugit. Et cum propter eius fugam, ipsum magis suspectũ de fide nunc quàm prius merito habeamus; ea propter auctoritate Apostolica, qua fungimur in hac